

¡BOMBA!

Hay que erguir cuello y testuz,
celebrar con castañuelas;
por la memoria de escuelas,
gracias, maestra Effy Luz



K'uintsil

Edición de fin de semana, del viernes 10 al domingo 12 de noviembre de 2023

CAMPECHE · YUCATÁN · QUINTANA ROO · AÑO 9 · NÚMERO 2112 · www.lajornadamaya.mx

MEERECH,

JUNTÚUL BA'ALCHE' KU PAKLAN
JAANTIKUÁAJ



Kex tumen juntúul ba'alche' taasbil úuchik u beeta'al tu petenil Yucatáne',

meerech pata'an u k'aaba' beey abaniquillo costero maya (*Anolis sagrei mayensis*) juntúul chan ba'alche' k'ajóolta'an te'e lu'umilo', ts'óoke' suuk u yantal ti' noj kaaj'óob, a'alab tumen ajxaak'alo'ob. Ku ts'éentikubáaj yéetel mejen ik'elo'ob, je'ex amo'ob, ts'óoke' ku jaantik tak u mejenil kéen yanak.

Jbiologóo Emmanuel Cambranis Cab, máax xooknaj tu noj najil xook Universidad Autónoma de Campeche, tu ts'áaj k'ajóoltbile' le chan meerecha' tu ch'áaj u moots' tu petenil Cuba yéetel Bahamas, yéetel tu k'áak'náabil Caribe; ba'ale' k'ujsa'an tak uláak' lu'umo'ob, je'el bix México, Panamá, Taiwán, Singapur, Ecuador, Brasil, Israel yéetel Florida, Estados Unidos.

Pedro Enrique Nahuat Cervera, máax táaka'an tu múuch'kabil Ekuneil Península de Yucatán, tu ya'alaj le chan ba'alche'a' ku p'isik kex ichil 15 tak 20 sentiimetróos tak tu nej, ts'óoke' ku maas chowaktal ti' u wíinkilal.

Beey túuno', José Rogelio Cedeño Vázquez, máax ku meyaj tu kúuchil Colegio de la Frontera Sur, tu ya'alaje' juntúul chan ba'alche' óol piim u wíinkilal, ts'óoke' jejeláas u boonil u paach, ba'ale' u ya'abile' koob wa samal boox yéetel wí'iwits' boox.

Yaan u p'óot tu yaanal u kaal, ti' xoobe' k'aank'an, chak k'aank'an wa óol chak; ti'al u xch'uupulile' chichan ba'ale' ku meyaj ti', ts'óoke' yaan jayp'éel u boonil. U yaal u k'abe' chowak, yéetel yaan u chan ts'u'uts'ukil, lelo' u k'áat u ya'ale' uts u ti'al tumen beey u séeb áalkab wa u síit'.

MIGUEL AMÉNDOLA
OOCHEL KEN WILSON

ESPECIAL: FAUNA NUESTRA | P. 45 YÉETEL 46